

# GARIS PANDUAN PENGAMBILAN PELAJAR BAHARU KATEGORI ORANG KELAINAN UPAYA DI INSTITUSI LATIHAN JABATAN TENAGA MANUSIA (ILJTM)

## TUJUAN GARIS PANDUAN

Garis panduan yang dibangunkan ini bertujuan untuk memberi panduan kepada ILJTM bagi mempertimbangkan permohonan kemasukan dari calon kategori Orang Kelainan Upaya (OKU). Adalah diharapkan garis panduan ini juga dapat membantu calon OKU yang berhasrat untuk melanjutkan pengajian di ILJTM.

## **Syarat Am Kemasukan ke ILJTM:**

1. Warganegara Malaysia;
2. Berumur 17 hingga 35 tahun;
3. Memenuhi syarat khas kursus (sila rujuk syarat mengikut kursus);
4. Lulus dalam sesi temuduga yang dijalankan (bagi kursus bertemu duga);
5. **Tidak buta atau buta warna atau pekak (tanpa alat bantuan) atau bisu atau cacat fizikal/anggota yang boleh menyukarkan kerja-kerja amali dan sesi pembelajaran.**
  - Calon bagi kategori OKU perlu menguasai 3M (Membaca, menulis dan mengira).
  - Calon juga boleh mengurus diri tanpa bantuan.

KATEGORI OKU	PENERANGAN	SYARAT PERTIMBANGAN
1. Pendengaran	Individu yang tidak dapat mendengar dengan jelas di kedua-dua belah telinga tanpa menggunakan alat bantuan pendengaran atau tidak dapat mendengar langsung walaupun dengan menggunakan alat bantuan pendengaran.	Minima (Mild) - (20 - < 30 dB) (untuk orang dewasa) Kesesuaian bidang: Komputer, Sivil, Percetakan dan Bukan Logam
2. Penglihatan	Individu yang tidak dapat melihat atau mengalami penglihatan terhad sama ada di sebelah atau di kedua-dua belah mata walaupun dengan menggunakan alat bantu penglihatan seperti cermin mata atau kanta sentuh.	Penglihatan Terhad (Low Vision/Partially Sighted). Penglihatan lebih teruk daripada 6/18 tetapi sama dengan atau lebih baik daripada 3/60 walaupun dengan menggunakan alat bantu penglihatan atau medan penglihatan kurang daripada 20 darjah daripada <i>fixation</i> .

KATEGORI OKU	PENERANGAN	SYARAT PERTIMBANGAN
		Kesesuaian bidang: Mekanikal (kecuali kursus <i>Aviation</i> ), Komputer, Sivil, Percetakan dan Bukan Logam
3. Fizikal	Seseorang yang mengalami ketidakupayaan anggota badan sama ada kehilangan fungsi atau tidak mempunyai satu anggota di mana-mana bahagian anggota badan termasuklah keadaan anggota yang tidak sempurna yang akan menjejaskan keupayaannya.	Mereka yang termasuk dalam kategori ini ialah kerdil, kudung ibu jari tangan. Bagi kekurangan ( <i>impairment</i> ) yang tidak menjejaskan fungsi seperti kudung satu jari, mempunyai enam (6) jari atau lebih dan tidak ada atau kurang sempurna cuping telinga tidak dikategorikan sebagai kurang upaya fizikal. Kesesuaian bidang: Mekanikal, Elektrikal, Komputer, Sivil, Percetakan dan Bukan Logam
4. Masalah Pembelajaran	Seseorang yang menghadapi masalah kecerdasan otak yang tidak selaras dengan usia biologikalnya. Mereka yang tergolong dalam kategori ini ialah lembam, sindrom down, kurang upaya intelektual, autisme, <i>Attention Deficit Hyperactive Disorder (ADHD)</i> , masalah pembelajaran spesifik ( <i>dyslexia, dyscalculia, dysgraphia</i> ) dan kelewatan perkembangan global ( <i>global developmental delay</i> ).	Mereka yang tergolong dalam kategori ini: i. Lembam; ii. kurang upaya intelektual; iii. <i>Autism Spectrum Disorder (ASD)</i> tahap ringan; dan iv. masalah pembelajaran spesifik ( <i>dyslexia</i> ) Kesesuaian bidang: Komputer, Sivil, Percetakan dan Bukan Logam
5. Pertuturan	Individu yang mengalami masalah pertuturan tetapi boleh mendengar.	Kecelaruan kelancaran Pertuturan/Kegagalan - Gangguan pada aliran pertuturan yang dicirikan oleh pengulangan, pemanjangan, sekatan dan hentian bunyi, perkataan dan ayat

KATEGORI OKU	PENERANGAN	SYARAT PERTIMBANGAN
		Kesesuaian bidang: Mekanikal, Elektrikal, Komputer, Sivil, Percetakan dan Bukan Logam
6. Mental	Seseorang yang menghadapi penyakit mental yang teruk namun telah menjalani rawatan atau telah didiagnosis selama sekurang-kurangnya dua (2) tahun oleh Pakar Psikiatri. Akibat daripada penyakit yang dialami, mereka masih tidak berupaya untuk berfungsi sama ada sebahagian atau sepenuhnya dalam hal berkaitan dirinya atau perhubungan dalam 10 masyarakat walaupun setelah menjalani rawatan psikiatri. Antara jenis-jenis penyakit mental tersebut adalah Skizofrenia, Mood Disorder dan Organic Mental Disorder yang serius dan kronik.	Tidak dipertimbangkan

Sumber:

1. Garis Panduan Pendaftaran Orang Kurang Upaya, Jabatan Pembangunan Orang Kurang Upaya, Jabatan Kebajikan Masyarakat, 2012.
2. Garis Panduan Pelaksanaan Dasar Inklusif Orang Kurang Upaya di Institusi Pendidikan Tinggi (IPT), 2019.

Disediakan oleh:  
Bahagian Pengurusan Latihan  
Jabatan Tenaga Manusia